

O Ježiš pokušimen



TRUEWAY KIDS.COM

Angluno lav

Ada kurko peske sikl'uvaha pal o Ježiš sar sas pokušimen. O pokušeñje pre leste avla takoj pal leskro bolipen. O verši andral e Biblija, save peske geneha hin andro Matuš 4:1–11 the Žid. 4:15. Kala hin ola bodi, pre save peske adadžives dikhaha –

- O Ježiš ačiľa manuš a mušindža pest e marel le binoha avke sar amen (Žid.4:15)
- O Ježiš amen achaľol, bo sas ajso sar amen. (Žid.4:15)
- O Ježiš na kerdžas binos. (Matuš 4:10).
- O Ježiš prindžarlas e Biblija a šunelas la. (Matuš 4:4)

Predžas peske e lekcija:

Leperen le čhavorenge pal o bolipen le Ježišoskro. Vakeren sar o Ježiš geľas pre pušća paloda sar sas boldo. Phučen le čhavorendar, či džanen soda hin pušća. Šaj phenen , oj sar pro pušći hin (baro tačipen) a the sar nane (but kvitki). Phučen le čhavorendar, či pes šundahas mištes pre pušća, te ode ulahas saranda (40) džives.

Vakeren le čhavorenca pal o pokušeñje. Sikaven pre oda, oj pokušeñje hin tužba te kerel vareso nalačho. Phučen le čhavorendar, či imar sas varekana andro pokušeñje. Či na phagle vareso a klaminenas, oj len te na avel problemi. Či na čorde guľipen. Phučen lendar, či peske pametinen, sar pes šunenas angloda, sar kerde ola bini. Sikaven pre oda, oj varekana hin phares te phenel na pro pokušeñje. Phučen, či lenge ulahas phareder te phenel na pro pokušeñje te čorel guľipen ,akor sar ulahas igen bokhale, abo akor sar ulahas čhale? Šaj mek vakeren paloda, kana ulahas lokeder a kana phareder te phenel na pro pokušeñje. Palis sikaven pre oda, oj o Ježiš na chaľa saranda (40) džives. Phučen le čhavorendar, či imar sas varekana bokhale. Sikaven pre oda, hoj o Ježiš mušindža te avel imar igen bokhalo a beng les delas te chal, ale o Ježiš leske phendžas “na”. O Ježiš ľerindža upral o pokušeñje.

Vakeren paloda, oj o beng pokušinelas le Ježiš trival, ale phenlas “na” le bengeske. Phučen, so kerdžas o Ježiš, oj te ľerinel upral o pokušeñje. Phenen le čhavorenge, oj o Ježiš furt odphenelas le bengeske la Bibiljaha. Sikaven pre oda, oj o Ježiš soha na kerdžas binos.


Arakhen o verši, save tumare čhavorenge pomožinena varesoha, soha pes maren. Naprikład o verši pal e dar, pal o kamñiben, pal e poslušnosť, te na čoren abo varesave aver. Šaj tumenge kiden avri či rozkidena jekh verš, abo buter verši. Kavke šaj pomožinen le čhavorenge te zapametinel peske o verši andral eBiblija. Sikaven pre oda, oj o Ježiš mušindža te prindžarel e Biblija, oj te džanel sar te odphenel le bengeske pro pokušeñje.

Bajinen lenca kajsı hra. Phenen le čhavorenge, oj oda, ko doľikerela o pravidos, chudela e odmena. Phenen lenge: „Akana kampil te doľikerel kada pravidos.“ Palis imar ma vakeren nič. O čhavoro phučela savo, bo kamela te džanel. Sikaven pre oda, oj o čhavoro našći doľikerel o pravidos, bo na džanel savo, avke the amen našći dživas pal e Biblija, te la na prindžaras. Palis phenen le čhavořeske, oj te phenel varesavo pravidos, savo leske tumen furt phenen. Šaj len den varesave prikladi napr. "So tuke phenav furt, oj te keres le hračkenca?"


Vakeren paloda , sar o Ježiš ačiľa ajso sar amen, vašoda džanel, soda hin te avel manuš. Ov sas manuš a the Del. Sikaven pre oda, oj le manušenge feder achaľuvas akor, sar sam andre lengri cipa. Bajinen tumen lenca avke, oj on ena e daj the o dad a tumen lengro čhavoro. Den lenge te urel pre peste tumare veci. Keren lenca pheras. Tumen šaj uren vareso lengre vecendar (šaj tumenge thoven pro šero lengro tričkos, abo e čapka). Phenen lenge, oj akana on hine e daj the o dad a tumen lengro čhavoro. Phučen lender či kamen, oj tumenge te pratinen o hrački, abo o kher. Ena rado, oj tumenge šaj aven šefi. A palis lender phučen, so ela pre večera, abo sar počinena o šeki. Avke o čhavore achaľona, oj hin phares te avel vareko aver, kajte ča pro sikrica. Sikaven pre oda, oj o Ježiš omukľas peskro tronos, avľa tele pre phuv a ačiľa manuš.

Modľinen tumen a palikeren le Ježišoske vašoda, oj avľa tele pre phuv a ľerindža upral o pokušeñje. Mangen les, oj tumenge te pomožinel te phenel na pro binos a te phirel pal Leste.

O Ježiš pokušimen




A pal'is i'las o beng le Ježiš dži upre
pro verchos pre ajsi bari hora.
O beng phendža le Ježišoske, oj te
pes leske pokloñinela, dela leske
savoro pro svetos.
O Ježiš leske odphendža tritovar le
veršoha andral e Biblija: "Lašareha
le Rajes, tire Devles a služineha ča
leske!" A phendža le bengeske, oj
te džal het.
O beng mušindžas te šunel le Ježiš.



Sar sas o Ježiš boldo, ge'la pre
pušta, oj pes te poscinel a te
modl'inel.


O Ježiš na cha'las pre pušta 40
džives. Ča pes modl'inelas a
gondol'inelas pro Del.

Le bengeske oda na sas pre dzeka
a kamňa te cirdel le Ježiš te kerel
vareso nalačo.



Sar sas o Ježiš igen bokhalo. Avla ke leste o beng a phendža: „Te sal čačes o Čhavo le Devleskro, čerin kala bara pro maro.“

O Ježiš oda šaj kerdžas, ale džanelas, oj oda nane le Devleskri voľa. O Ježiš odphendžas le veršoha andral e Biblija: „O manuš na dživel ča le marestar, ale dojekhe lavestar, so avel andral o muj le Devleskro.“



Paloda ilas o beng le Ježiš dži pro mekučeder than le chramoskro andro Jeruzalem.

O beng phendžas le Ježišoske, oj te chučel odarik tele a avke dikhela, či les o Del zachudela.

Ale o Ježiš na mušindžas te skušinel le Devles. Pale leske odphendža andral e Biblija kale veršoha: „Na skušineha le Rajes, tire Devles.“

O hri the o aktiviti

Peken o maro

Pal varesavo loko receptos peken o maro. Domuken le čhavorenge, oj tumenge te pomožinen.

Medik užaren pro maro sar pečola, leperen le čhavorenge, sar o beng pokušinelas le Ježiš, oj te kerel le barestar maro.

Phenen lenge, oj amen oda našči keras, ale o Ježiš oda šaj kerdžas. Vakeren paloda, oj kajte varekana vareso džanas te kerel, ale nane furt mište oda te kerel.



Keci l'ikereha avri?

Leperen le čhavorenge, oj o Ježiš sas 40 džives pre pušta bi o chaben.

Keren lenca varesavi suťaž, oj te dikhen keci l'ikerena avri te kerel vareso pharo.

Napriklad:

- Te ačhel pre jekh pindro
- Te l'ikerel vareso pro šero
- Te avel čhit
- Te na dikhel o televizoris abo vareso aver

Hra la pošaha







Pre oda, oj te acha'lon, oj o Ježiš pes modl'inelas pre pušta, domuken le čhavorenge pes sikra te bajinen la pošaha.

Šaj čhiven sikra poši pro skamind, abo andre vareso čaroro.

Paš oda sar tumen bajinen la pošaha, skušinen tumenge te predstavinel, sar oda hin pre pušta.






Arakh spravno ciños




Merin o verchi

Savo verchos hino mekbareder?





Farbin andre savore tvari le čisloha 3




Zorad'in o pribeh

Strin avri o obrazki a sthov len zaradom avke sar džan



Škatuľa pro verši andral e Biblija



So tumenge kampel:

E šablona (pro feder visledki vitlačinen avri pro vikresis)
O lepos
O nožnički
O farbički the pastelki


Kavke oda kerena:




Farbinen andre e šablona la škatuľatar.





Strinen avri a zalëpinen e šablona avke, oj latar te sthoven škatuľa.




Strinen avri o kartički a pisinen upre o verši, so siklilan.














Worship Time

I Wanna Do Right

<https://youtu.be/RlxxuTV-5vk>

Seek Ye First

<https://youtu.be/EsBpM9lcBts>

Show me Your Ways

https://youtu.be/7bCloxL_9Zw



E modl'itba

Paľikeren le Devleske vašoda, oj o Ježiš dživelas dokonalo dživipen a sas amenge lačo priklad. Mangen le Devles, oj tumenge te pomožinel te šunel les a te pametinel peske e Biblija.

Aver lekcija

If you haven't already done so, sign up to receive future lesson by email.
truewaykids.com/subscribe/

